

# EN LA VENIDA A GIJÓN

DE

## Sus Magestades y Altezas.

---

Bien venios, Señores, quién cuidára  
Allegasen aquí con el so ñeñu!  
Pensamos que quizias cuando falára  
Lu habin trer, non agora tan pequeñu;  
Pos mianiques cualquier home xurára  
A que vien el probin muertu de sueñu:  
Pero agora que i den una sopina  
Y que duerma una bona panzadina.

Muncho goza la xente en so llegada  
A isti pueblu, Señores, ¡ye perbonu!  
Non hay alma que non esté plasmada,  
Pos somos mu lleales d' isi Tronu  
Que salvó don Pelayu con so espada  
(Dempues d' altes traiciones de mal tonu)  
Matando esos xudios tan malvaos,  
Cual se sieguen les yerbes é nos praos.

Queden, queden pa siempre en esta tierra,  
Q' en concencia ye muy atopadiza;  
En ella siempre hay paz, denyure guerra  
Y está llena de frutes y hortaliza,  
Bona carne de vaca, y pe la sierra  
Rica lleche y mantega que suaviza:  
Y si quizias dempues i os paecia,  
Mandaben que ensanchasen esta ria.

A. S. C.

A. 1221210167

